

Broj: 02-04-548-11/26
Bužim, dana 22.07.2026.godine

Na osnovu člana 70. stav (1) (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), u otvorenom postupku nabavke - Izvođenje radova na izgradnji objekta civilne zaštite sa vatrogasnim domom – III faza, na prijedlog Komisije za javne nabavke, Općinski načelnik općine Bužim kao rukovodilac ugovornog organa donosi:

ODLUKU
o izboru najpovoljnijeg ponuđača

Član 1.

Prihvataju se ponude ponuđača u predmetu nabavke radova: Izvođenje radova na izgradnji objekta civilne zaštite sa vatrogasnim domom – III faza, po lotovima, kako slijedi:

1. Za Lot 1 - Izvođenje građevinskih radova, prihvata se ponuda ponuđača „Velić Kop“ d.o.o. Bosanska Krupa, sa cijenom u iznosu od 117.870,00 KM bez PDV-a, odnosno 137.907,90 KM sa PDV-om.
2. Za Lot 2 - Izvođenje hidro radova, prihvata se ponuda ponuđača „Velić Kop“ d.o.o. Bosanska Krupa, sa cijenom u iznosu od 19.975,00 KM bez PDV-a, odnosno 23.370,75 KM sa PDV-om.
3. Za Lot 3 - Izvođenje elektro radova, prihvata se ponuda ponuđača „MC Stella“ d.o.o. Velika Kladuša, sa cijenom u iznosu od 32.104,87 KM bez PDV-a, odnosno 37.562,70 KM sa PDV-om (početna cijena ponude umanjena za 0.1%).

Član 2.

Izabrani ponuđači se obavezuju da u roku ne dužem od 5 (pet) dana od dana zaprimanja ove Odluke dostave originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke iz tačke 3.7 Tenderske dokumentacije, ukoliko iste nisu dostavili u sastavu ponude.

Ukoliko izabrani ponuđači ne dostave traženu dokumentaciju u određenom roku ili je dostave na nepropisan i nepotpun način, ugovor za javnu nabavku dodjeliće se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Ugovorni organ će dostaviti na potpis izabranim ponuđačima prijedlog ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-04-548/26 od 17.06.2026.godine. Javna nabavka je provedena putem otvorenog postupka Izvođenje radova na izgradnji objekta civilne zaštite sa vatrogasnim domom – III faza. Obavještenje o nabavci broj: 1119-1-3-39-3-35/26 od 19.06.2026.godine - objavljeno na portalu JN i u „Službenom glasniku BiH“, broj: 44/26 od 26.06.2026.godine.

Po objavljenom obavještenju rok za prijem ponuda je bio 10.07.2026.godine do 12:00 sati. Do označenog roka za prijem ponuda na protokol Ugovornog organa blagovremeno su pristigle ponude, a što je vidljivo iz tabelarnog pregleda dostavljenog od strane službenika koji radi na protokolu ugovornog organa i to:

1. Ponuđač „Velić Kop“ d.o.o. Bosanska Krupa, dana 06.07.2026.godine u 07:39 sati (za lot 1, lot 2 i lot 3);
2. Ponuđač „MC Stella“ d.o.o. Velika Kladuša, dana 10.07.2026.godine u 11:36 sati (za lot 1 i lot 3);

U postupku donošenja ove Odluke, posebno su cijenjene činjenice da je Komisija za JN, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijih ponuđača, po lotovima, izvršen u skladu sa Zakonom o javnim nabavkama BiH, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da su navedeni ponuđači dostavili prihvatljive ponude, prema kriteriju za dodjelu ugovora iz Tenderske dokumentacije „Najniža cijena tehnički zadovoljavajuće ponude“, za pripadajuće lotove.

Detaljno obrazloženje razloga za izbor najpovoljnijeg ponuđača, za pripadajuće lotove, navedeno je u Zapisnicima o pregledu i ocjeni ponuda koji se dostavljaju uz ovu Odluku svim ponuđačima koji su učestvovali u postupku nabavke.

Obzirom na sve prethodno navedeno, odlučeno je kao u članu 1. ove Odluke.

Pouka o pravnom lijeku:

Protiv ove odluke može se izjaviti žalba najkasnije u roku od 10 (deset) dana od dana prijema iste. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjereka, a koji ne može biti manji od tri.

Obrada:

Nedžad Kudelić

Dostaviti:

1. „Velić Kop“ d.o.o. Bosanska Krupa (putem e-maila).
2. „MC Stella“ d.o.o. Velika Kladuša (putem e-maila).
3. Web stranica općine Bužim,
4. U spis.

